

NOTICIA DI
GOBIERNO

ISLA((•))NLINE

20
22

Dialuna 8 Augustus 2022

Email: IslaOnline@gobierno.aw Tel: 528-4952



Gabinete Wever - Croes II

2022

**AÑA DI INVERSION
Y OPORTUNIDAD**



Prome Minister Evelyn Wever-Croes:

ARUBA YA CABA TA TUMANDO ACCION PA EVITA AANWIJZING

Manera conoci, Prome Minister Evelyn Wever-Croes ta na Hulanda pa motibo di un vakantie cu e mandatario a tuma despues di un temporada fuerte di trabounan. Sinembargo, desde cu el a yega Hulanda, Prome Minister a probecha pa atende cu varios tema di importancia pa nos pais especialmente riba e tema financiero.

Prome Minister a reuni cu Secretario di Estado Alexandra van Huffelen y cu señor Gradus di CAft. E reunionnan a bay bon specialmente e reunion cu Gradus. E meta ta pa delibera kico ta loke cu Aruba mester haci pa evita un 'aanwijzing'. Aruba, claro, Prome Minister a expresa, no por haci tur loke CAft kier pa Aruba haci. "Nos no por sigui tur recomendacion di CAft sin cu esakinan ta haci demasiado dolor na nos comunidad y esaki pa mi tawata importante pa trece dilanti".

Prome Minister a expresa cu Aruba ta pasando den momentonan hopi dificil, costo di bida ta halto. Pandemia a laga Aruba den un situacion dificil y e guerra di Ukraina a afecta Aruba basta hopi. "Di tempo cu e guerra a inicia na comienso di aña, mi a anuncia cu probablemente nos lo no sinti e efecto directo di e guerra. Pues cu Aruba lo no wordo bombardia etc. Pero si Aruba lo sinti e efectonan indirecto. Y aworaki, Aruba ta sintiendo e efectonan aki cu subida di prijs di gasolin, companianan WEB y Elmar a indica cu nan mester hisa nan prijsnan tambe sino nan companianan ta kibra. Esaki ta trece un presion hopi grandi".

Prome Minister a expresa cu tawata importante pa splica Hulanda kico tur ta e embarcadura di e guerra di Ukraina y e recuperacion di Covid cu Aruba ta aden. "Mi a splica nan cu nan no por pone mas presion riba nos pasobra e pueblo no por carga mas".

PUNTO DI ACCION

Prome Minister a duna di conoce cu den e deliberacionnan, a fiha algun punto di accion cu Gobierno di Aruba lo tuma y



ya caba ta trahando riba nan y asina evita pa Aruba haya un 'aanwijzing' y pa e punto aki bin riba agenda di Consejo di Minister di Reino fin di e luna aki.

"Mi tin pa bisa cu ni Aruba ni Hulanda kier pa Aruba haya un aanwijzing y durante e deliberacionnan ta sinti cu tin espacio pa yega na otro pa evita cu lo yega asina leu. Esaki riba su mes ta un bon noticia aunke cu esaki no kiermeen cu nos a keda cla. Pero tin deliberacionnan andando pa asina Evita cu Aruba ta haya un 'aanwijzing'", Prome Minister Evelyn Wever-Croes a enfatisa.

Gobierno a contesta sindicatonan:

MANERA PALABRA, DEN 2022 LO PAGA 5% Y DEN 2023 LO PAGA E RESTO CU TA 7.6-%



Diabierna 5 di augustus, Gobierno di Aruba, den un carta, a ricibi un peticion di sindicatonan di empleadonan publico pa por haya e toelage di augustus tambe completamente paga. Gobierno, riba e mesun dia y mesora a contesta e carta aki na unda cu Gobierno ta ripiti su posicion riba esaki. E palabracion ta cu pa aña 2022, Gobierno a presupuesta pa paga 5% y pa aña 2023 lo paga e resto esta 7.6% cu ta inclui e toelage di augustus tambe.

Prome Minister Evelyn Wever-Croes den e carta a ripiti locual dia 14 di juli a splica sindicatonan extensamente den un reunion. Prome Minister a splica nan cu Gobierno lo bay haci tur posibel pa paga e 5% pa 2022 y e 7.6% pa otro aña. Sindicatonan a haci pregunta riba con Gobierno lo haci e pago y tawata tin intercambio di idea y sugerencianan. Sindicatonan e expresa con importante e suma aki ta pa e empleadonan y den nomber di Gobierno, Minister President a compromete di percura cu e 5% wordo paga na fin di juli, cual el a cumpli cu ne tambe; y e restante 7.6% lo wordo paga den 2023.

Prome Minister a enfatisa cu e 5% cu a presupuesta pa juli 2022, ta un suma di 10.7 miyon florin pa ambtenaar y pa e 'gelijkgestelden'. Y pa esnan cu ta traha pa fundacionnan cu ta wordo subsidia pa gobierno, e suma total ta 7.5 miyon florin.

Esaki ta un total di 18.2 miyon florin. Den contesta di Gobierno na e sindicatonan, a remarca tambe cu e pago di e 5% aki, no a bay facil. A tuma hopi esfuerso y contratiempo pa realisa e pago aki y te ainda tin discusionnan cu Hulanda riba e tema aki.

Den e carta cu sindicatonan a manda, nan ta menciona cu turismo ta recuperando. Prome Minister a indica cu di berdad turismo ta recuperando na un forma hopi importante pero pa e aña aki turismo ainda no a yega na e nivel di prome cu e pandemia. E proyeccion di cifranan ta indica cu turismo lo recupera completamente comienso di 2023. Economia lo recupera den curso di 2023 pa 2024. Y despues di esaki, finanzas publico di Gobierno lo ta recupera.

Prome Minister a duna di conoce cu e presupuesto cu Parlamento a aproba pa e aña aki, tin un deficit di 227 miyon florin. Esaki combina cu un debe di como 6 biyon florin, no ta duna espacio aworaki, pa banda di e 5% cu a wordo paga fin di juli, duna e reparatietoeslag di augustus tambe completo.

“Mescos cu mi a splica e sindicatonan dia 14 di juli, mi ta spera di por conta riba nan comprension un biaha mas pa nos sigui cu e trayecto manera indica”, Prome Minister a finalisa bisando.



Minister - President
Minister van Algemene Zaken

Gobierno di Aruba
L.G. Smith Blvd. 76
Oranjestad, Aruba
Tel. (297) 528 4900

Aan: de vakbonden SADA, SEPPA, SIMAR, SPA en TOPA

Ons Kenmerk: MAZ/1469

Oranjestad, 6 augustus 2022

Onderwerp: verzoek uitbetaling reparatietoelage augustus 2022.

Geachte vakbonden,

Naar aanleiding van uw brief van heden met het verzoek om uitbetaling van de volledige reparatietoelage eind augustus, herhaal ik het standpunt van de regering, t.w. dat de afbouw van de salarisinkorting in twee jaar afgebouwd zal worden. Wij hebben dit onderwerp op 14 juli 2022 uitvoerig met de vakbonden besproken, en zoals ik u toen heb uitgelegd, kan de Regering van Aruba dit jaar slechts 5% uitbetalen. Voor 2022 was in de begroting de afbouw van de 5% salarisinkorting opgenomen: voor de ambtenaren en gelijkgestelden Afl. 10,7 mln. en voor medewerkers bij de gesubsidieerde stichtingen Afl. 7,5 mln.

Met veel moeite is het ons gelukt om de afbouw van de 5% salarisinkorting uit te betalen, en nog steeds is hierover een meningsverschil met Nederland.

In uw brief wordt melding gemaakt van een herstel van het toerisme. Inderdaad toont het toerisme een belangrijk herstel, echter het toerisme heeft dit jaar nog niet het niveau bereikt van voor de Corona-pandemie. Verwacht wordt dat het toerisme begin 2023 volledig zal herstellen, en dat de economie in 2023/2024 volledig zal herstellen. S'Lands financiën zal pas daarna volledig herstellen. Voor dit jaar vertoont de begroting van het Land een tekort van Afl. 227 mln. In combinatie met een bestaande schuldenlast van ongeveer Afl. 6 miljard, is er geen ruimte om, buiten de gemaakte afspraken, de 50% inkorting op de reparatietoelage van augustus 2022 ongedaan te maken.

Tot nadere toelichting bereid, teken ik,

Met vriendelijke groet,

mr. mr. E.C. Wever-Croes
Minister-President
Minister van Algemene Zaken



DNM TA INFORMA TOCANTE E MALESA DI PERDIDA DI TEHIDO DI CORALNAN, STONY CORALS

Directie Natuur en Milieu (DNM) ta desea di comparti un informacion importante di un fenomeno cu ta tumando lugar den e bida marino na algun sitio di buceo (dive site) na e islanan den Caribe y particularmente e preocupacion cu tin actualmente na Boneiro cu e presencia di un malesa di coral.

Number di e malesa cu ta ataca e coralnán ta Stony Coral Tissue Loss Disease (SCTLD). Nos preocupacion ta cu e malesa ta uno hopi agresivo y ta resulta mortal pa e colonia di coralnán y asina ta afecta e calidad di nos bida marino den e region.

Den e relato aki DNM ta desea di splica kico e malesa aki ta haci cu coralnán, con e a manifesta na Boneiro, con e ta transmiti y kico nos por haci pa prevencion asina yuda mitiga e problema.

KICO E MALESA SCTLD TA HACI?

Stony Coral Tissue Loss Disease ta destrui e tehido suave cu ta cubri e coral y por afecta 30 sorto di coralnán cu ta existi den bida marino cu ta esunnan cu ta forma y crece nos rifnan. Ora cu e malesa ataca e coral e resultado por ta uno fatal, ya cu e por mata un colonia di coral den apenas algun siman of lunanan di keda infecta. E por afecta diferente coral na un manera severo. Ta considera SCTLD e malesa di mas peligroso y mortal di e malesanan di coral y e ta manifesta hopi lihe. No mester confundi e malesa aki cu coral bleaching, esaki ta dos fenomeno diferente.

Ta di remarca cu ta casi un aña pasa cu Boneiro a publica tocante e malesa y e contagio cu ta existi den Caribe y Florida. E tempo ey STINAPA a menciona den nan webinar cu ainda no a encontra coralnán cu e malesa na e isla pero cu na Aruba si tin un caso unda ta sospecha contagio. Aruba mes no a haya



e notificacion di e alerta aki. Na aña 2021 Boneiro a prepara tambe un plan pa e posibel yegada di e malesa den forma di prevencion pa asina mitiga e problemanan cu por surgi. E organizacion cu ta maneha e parke marino na Boneiro, STINAPA, a publica un relato alertando comunidad y hunto cu ayudo di DCNA a tuma algun decision pa mitiga e problema. Nan a alerta e bishitantenan con na mester haci uzo di e parke marino pero esaki tawata inevitabel y e malesa a manifesta na dos localidad di buceo. Despues di a conduci investigacion riba 22 y 23 di juli ultimo Boneiro a laga cera dos localidad di buceo, uno ta Karpata y e otro ta La Dania's Leap, tur esaki ta consecuencia di presencia di e malesa SCTLD.

CON E MALESA TA TRANSMITI?

E malesa por wordo transmiti den e awa contamina cu e malesa manera por ehempel den e "ballast water" den barconan grandi di carga. Ballast water ta e awa cu ta ser uza pa asina e barco ta keda den balans ora e ta descarga peso. Tambe e malesa por penetra na ekiponan di buceo (dive gear) of di snorkel cu ta uza den awanan cu ta contene e malesa.


Continuacion DNM TA INFORMA TOCANTE E MALESA DI PERDIDA....

Kico por haci pa preveni transmision y mitiga e problema? Ta recomenda dos cos; desinfecta ekipo di buceo y tambe alerta autoridadnan si ta tuma nota di fenomeno sospechoso riba e coralnan. Pa e prome paso di desinfecta e ekipo ta recomenda pa pone ekipo den awa potabel cu ta contene 1% di bleach solucion y pa ekipo sensitivo por laga esakinan sinta pa 10 minuut den desinfectante apropiada pa e ekipo. Mester laga e ekipo seca prome cu ta transporte y uza esaki den otro awanan por ehempel na un otro sitio cu no ta contene e malesa.

Informa autoridadnan cu ta maneha parke marino di Aruba (Fundacion Parke Nacional Arikok) y tambe DNM. Si bo ripara coralnan straño of sospechoso purba saca un potret di esakinan y mand'e pa nos na info@dnm-aruba.org. Tambe nos ta pidi pa inclui e fecha, localidad (dive site), e profundidad, un nomber y number contacto y tambe e informacion di e fotografo. Si por duna nos e autorisacion pa uza e potret pa asina inclui den investigacionan pa yuda preveni contagio di SCTLD den nos awanan na Aruba.

Locual DNM ta haya importante ta e deteccion den un fase mas trempan asina nos por tuma accion pa mitiga e problema. Haci nada no ta un opcion, pasobra esaki lo nifica perdida di cantidad di coral.

DNM ta keda pendiente specialmente di e scolnan di buceo, buceadonan, piscadonan y centronan di actividad di buceo pa cualkier informacion. Por haya e informacion cu nos a compila for di Boneiro riba e pagina di STINAPA. Tambe nan a realiza un webinar hopi informativo riba e topico di e malesa di Stony Coral Tissue Loss Disease na 2021 y esaki tambe por hay'e riba nan Youtube channel y DNM lo comparti esaki riba nos medionan social tambe.



2022
AÑA DI INVERSION
Y OPORTUNIDAD

**CU OPTIMISMO,
POSITIVISMO Y
DETERMINACION
NOS TA LOGRA**

MINISTER
Xiomara Maduro



MASSIVE BRASSBAND INTERNACIONAL PA DUNA UN BUNITA PRESENTACION NA DISNEY SU MAGIC KINGDOM

Aruba su nomber a resalta un biaha mas



Aruba su nomber un biaha mas a wordo poni riba mapa internacional y e biaha aki cu cu un presentacion espectacular di Massive Brassband Internacional na Disney su Magic Kingdom. Un delegacion di mas di 60 arubiano, consisti di musico y bailadonan a duna un excelente presentacion den e parada di Magic Kingdom den cual e bandera di Aruba tabata bula na cabes di e parada. Pa prome biaha den Magic Kingdom por a mira hende jump tras di un marching band di e forma

aki. Nos Pais a haya un tremendo promocion y e milesnan di bishitantenan di Magic Kingdom por a disfruta di e ritmo di asambeho di Aruba.

Un Pabien y danki na Roderich Lopez y henter e delegacion di musico y bailado pa comparti nos dushi cultura y ritmo di asambeho na Disney.

5 di augustus 2022

Masha Pabien y Danki

Massive Brassband Internacional pa representa Aruba y laga nos musica di Asambeho resona na Disney su Magic Kingdom.

Aruba ta orguyoso di boso.



Xiomara Maduro

Minister di Finansa y Cultura



| xiomaramaduro.com



MINISTER GEOFFREY WEVER TA ANUNCIA REDUCCION PRIJS DI GASOLIN Y DIESEL



Minister di Asunto Economico, Comunicacion y Desaroyo Sostenibel, mr. Geoffrey Wever, den un conferencia di prensa dialuna mainta, 8 di augustus, a confirma e noticia cu gasolin y diesel lo baha substancialmente entrante 10 di augustus.

Aki ta papia di un reduccion di 42.5 cent (12.7%) pa gasolin, y un reduccion di 34.2 cent (10.9%) pa diesel per liter.

E ta un custumber – den pasado – cu ta haci publicacion cu insinuacion y motivacion politico ora minister mester anuncia cu prijs di gasolin ta subi. Mientras cu e noticia di reduccion di prijs sigur ta uno hopi bon pa pueblo, minister Wever kier tuma e oportunidad positivo pa asegura un bes mas cu esaki tin di haber cu e desaroyo internacional den industria petrolero.

Minister Wever ta contento cu e reduccion, mirando su efecto positivo riba e homber chikito, pero segun e mandatario “un bes mas nos ta ser recorda cu Aruba ta na misericordia di desaroyo internacional. Nos mester uza e oportunidad pa recorda pueblo e importancia di desaroyo sostenibel, den energia y otro aspectonan tambe.”

Aruba mester comprension y cooperacion pa cu e desaroyonan cu mester tuma luga pa hiba nos pais riba un rumbo mas sostenibel, unda nos por cuminsa bai den direccion di reduci nos Pais su dependencia riba factor nan externo. Esaki lo yuda nos como Pais ta mas fuerte y preveni situacionan cu afecto (negativo) grandi pa henter comunidad. Esaki ta keda nos meta pa e añanan binidero.


	Benzine	Gasolie	Kerosine
Prijs per liter (cent)	Premium	U.L.S	
Prijs vigente (bieu)	335.70	312.70	291.10
Prijs nobo (entrante 10 augustus)	293.20	278.50	257.70
Diferencia	-42.5	-34.2	-33.4
Diferencia (%)	-12.7%	-10.9%	-11.5%
Basa roba posting te cu 31 juli 2022			

Dia di Independencia di Jamaica

6
augustus
2022



Gabinete Wever-Croes ||



CAMPAÑA

COLECTA, CONOCE Y
CONSERVA NOS HISTORIA



3C -TRECE un campaña di
Archivo Nacional Aruba y Ministerio di Cultura

“Formalmente mi ta sondea den archivo pa cumpli cu mi funcion como docente y investigado di Universidad di Aruba. Como docente mi ta uza archivo pa mi lesnan di Metodo di investigacion y di Diversidad/Multiculturalidad y ta stimula studiantenan bishita ANA. Como investigado mi a sondea den e archivo pa haci investigacion. Sondea den archivo ta yuda mi traha puzzel historico cu tin biaha ta parce di ta falta pida”.

- **drs. Yolanda Richardson**

Por pasa **3C-TRECE** material historico durante orario di oficina na Archivo Nacional Aruba di dialuna pa diabierna 8:00 AM pa 11:45 AM y 1:30 PM pa 4:00 PM



drs. **YOLANDA RICHARDSON**

DOCENTE Y INVESTIGADO: UNIVERSIDAD
DI ARUBA (DESDE 2010)
CURADOR: EXPOSICION RANCHO NOS BARIO





DIRECTIE ONDERWIJS Y DPS TA SONDEANDO TUR POSIBILIDAD PA E DIESSEIS DOCENTENAN DI PAPIAMENTO HAYA UN TRABOU



Den Noticiero Dinamico na Top FM cu sr. Hans Geerman diabierna mainta Minister Endy Croes a duna un splicacion amplio referente e diesseis docentenan di Papiamento cu ta sin trabou. E mandatario di enseñansa a informa cu e la pidi Directie Onderwijs y Dienst Publieke Scholen (DPS) pa sondea tur posibilidad pa docentenan haya un trabou. E siman aki mester presenta un plan kico ta posibilidadnan den espacio cu tin. Si tin un posibilidad cu lo por dunanan proyectonan pa haci cu mester wordo realisa manera e.o. SAM. Inicialmente cu un contract di un of dos aña pero esaki por wordo extendi te ora cu tin posibilidad pa nan duna les.

Minister Endy Croes a sigui bisa cu no ta prome biaha cu Aruba ta confronta e situacion aki. Ainda por corda algun aña atras pa ta exacto na 2011 bou di maneho e tempo ey di AVP na unda cu diesun docente cu a finalisa nan estudio di CKV na IPA nunca no por a haya un trabou. Te cu nan mester a bay eherce un otro trabou.

E dignatario a sigui bisa cu lo bay atende cu IPA tambe, nos tin cu bay traha cu un planificacion. Una bes nos tin e sistema di data 'in place' nos lo por maneha mas miho. E ta un cuestion di planifica y traha miho pa futuro.

Minister Endy Croes:

ARUBA TA CORDIALMENTE INVITA PA BIBA E ANOCHI DI MAS IMPORTANTE DEN DEPORTE CU E 141 ATLETANAN NOMINA PA PREMIO EXCELENCIA DEN DEPORTE

Den e ultimo dianan sigur por a cuminsa sinti e interes y expectativa ta halto pa Premio Excelencia den Deporte, unda ta reconoce e atletanan cu mas a destaca den nan deporte durante aña 2019 y 2021. Tin un total di 141 atleta nomina. Tur atleta nomina ya caba ta un ganador. Pa aña 2019 un total di 16 federacion a participa y a nomina 66 atleta. Mester remarca cu e interes ta grandi e aña aki na unda 18 federacion a manda oficialmente nan nominadonan conforme e rekisitonan. Un total di 75 atleta a wordo nomina den e diferente categorianan di aña 2021. E comision organisado lo rindi homenahe na 10 baluarte deportivo cu a dedica gran parti di nan bida den deporte di Aruba.


Pa prome biaha ta introduci e categoria di ekipo di aña pa asina duna oportunidad husto na federacionnan colectivo pa por competi pa e premio di 'ekipo di aña'. E anochi di gala ta tuma luga diasabra 20 di augustus den Renaissance Convention Center cuminsando pa 8'or di anochi. Aruba ta keda cordialmente invita pa sintonisa e anochi mas grandi den deporte di Aruba cu ta dia 20 di augustus en bibo via Tele Aruba y Canal 22.



WHAT WE'VE BEEN UP TO

Aruba Innovation Summit

With a diverse range of forward-thinking speakers, we're excited to bring people together once again to share a day of unparalleled discovery, mind-expanding talks, networking, & inspiration. Reignite your curiosity, envision new possibilities, and redefine what is possible by taking part in the Innovation Summit, August 31. Be part of the new era of reinvention. Click here pay.aw to buy your tickets now to start your journey to reinvention.



Our Keynote Speaker

Get ready to set your own definition of success and reinvent yourself to go get it! Introducing you to our keynote speaker Roger Osorio. As founder of The School of Reinvention he is an expert in reinvention based on his own journey, and additionally Roger is the author of 'The Journey to Reinvention: How to Build a Life In Alignment with Your Values, Passion, and Purpose'.

For more info on speakers, agenda, and updates, follow us on our social media pages and visit the official for Aruba Innovation Summit website: arubainnovationsummit.com

Code Club Aruba

Recently Futura connected with Code Club Aruba, and Digital Natives of Aruba Foundation, to partner up and offer opportunities to a larger number of individuals to be introduced to coding and computer science. With this new partnership, an additional 15 participants will join the Code Club, and contribute to creating a larger coder/coding network in Aruba.

Code Club Aruba is a voluntary initiative to guide individuals of all ages interested in developing technology and computer programming skills. Workshops are organized for free where participants have the opportunity to explore various aspects of technology and learn about programming. For more information visit them on Facebook at Code Club Aruba.



Mo-B Restart for the 2022/2023 school year!



Exciting news!!! After being on hold for almost two years due to the COVID pandemic, a re-designed Mo-B the Mobile Tech Lab Program will kick off at the start of the 2022/2023 school year!

Futura, Metabolic Foundation, and Biblioteca Nacional Aruba are once again partnering up to restart the award-winning Mo-B Lab Makerspace and Program for our students and the youth in Aruba.

The Mobile Tech Lab project started in October 2018, where an existing trailer was transformed into a sustainable Mobile 'Makerspace' powered by among others solar panels. The Mobile Tech Lab provides children and youth with the opportunity to discover a new method of learning, and explore science and technology.

Immersive Sessions

Hey guys! After the success of our first Immersive session, we are excited to host our second. We are busy brainstorming ideas for our next Immersive session and would love to get your input. Send us an email to hello@futralab.org, or contact us on our social media channels with any suggestions for topics. All feedback is welcome!

Departamento di Salud Publico:

UPDATE 8 DI AUGUSTUS 2022

Siman epidemiologico di 31 juli pa 06 augustus 2022 ta indica cu 201 persona a recupera y un total di 189 caso nobo di COVID-19 a keda registra. Ningun persona a fayece y cantidad di casonan activo di COVID-19 pa awe ta 121.

Datos ta ilustra casonan nobo di COVID-19 cu un averahe semanal di 27 caso positivo pa dia y un averahe di 'Positivity rate' semanal di 47%. Un total di 5 persona a keda interna den hospital durante e siman cu a pasa di cual 4 riba piso general y 1 riba pediatria.

6/8/2022	TOTAL	RESIDENTE	NO-RESIDENTE
Activo	121	119	2
Recupera	201	198	3
Caso Positivo Nobo	189	187	2
Morto	0	0	0
Vacuna	5	-	-
Hospitalisa AUA	3	-	-
ICU	0	-	-
AUA COL	0 0		



Uza tapa boca pa
proteha bo mes y otro





TEMPORADA DI CALOR

Nos ta den e temporada di mas calor di aña. Pa reduci riesgo y daño na salud, e puntonan aki ta recomendabel pa haci e efectonan di calor menos!

**Preveni
y Proteha!**

Evita solo



No expone bo mes di mas na rayonnan di solo.

Bebe
hopi
likido



Awa of juice cu no ta contene mucho suco.

Bisti
pañã
adecua



No diki of colornan scur cu ta atrae mas calor.

Busca
luganan
ventila



Keda den luganan fresco of den airco.



Uza
proteccion

Si bo mester bay den solo, protege bo mes.

No haci
deporte
den
solo



Haci actividadnan deportivo mainta of anochi.

Keda
informa
tur
momento



Scucha noticianan di canalnan confiabel.

Pone mas
atencion
riba esnan
di edad



No laga nan nan so pa mucho tempo.



Haci
actividad
trankil
cu
muchanan

Postpone hungamento y actividadnan pafo.

Controla
mas
esnan cu
tin enfermedad



Percura cu semper nan ta den aire fresco.

Cuida bo
bestianan
domestico



Percura pa nan ta den fresco y duna nan hopi awa



Feliz dialuna!

UN PANDEMIA CU EFECTO DEVASTADOR
PA UN ISLA CU SU PILAR ECONOMICO
TA NOS BISHITANTENAN DI AFO.
Y UN ISLA DETERMINA PA SALI
AUN MAS FUERTE FOR DI E SLA DURO AKI.
UN ISLA CU VISION PA PROGRESA.
E VISION DI CADA UN DI NOS,
VISION DI CREATIVIDAD Y INVERSION,
LO TRECE OPORTUNIDADNAN GRANDI
PA NOS Y PA NOS FUTURO GENERACIONNAN.
E PASONAN CU AWE NOS TA TUMA,
TA LAGA MARCANAN ATRAS
PA NOS GENERACION HOBEN.
ESA KI LO TA E COMPAS CU LO DIRIGI NAN
DEN E HORIZONTE DI OPORTUNIDADNAN,
PA CONTINUA CU UN ARUBA
MAS SOSTENIBEL, FUERTE Y RELIENTE.



**20
22** | AÑA DI
INVERSION Y
OPORTUNIDAD